

20 participante pa Festival Voz-l-Landia Escolar

ORANJESTAD(AAN)- Diadomingo venidero, 8 di April, pa 3'or en punto di atardi ta inicia e grandioso Festival Voz-i-Landia escolar 1990 den

ballroom di Aruba Concorde Hotel. 20 Participante di diferente school basico di Aruba lo demonstra nan talentonan ariba tereno di canto. Alavez lo tin un

show di Menudo Fan Club y un cantidad di doorprize masha atractivo.

E participantenan ta den grupo di 8 te cu 10 aña:

1. Roger Peterson - Filomena College, 2. Dariela Vega, Reina Beatrix School, 3. Edwira Brete, Colegio Oro Ubao, 4. Gilienne Garcia, Rosa College, 5. Jareza Jacos, Fatima College, 6. Vanessa Croes, Pius X School, 7. Noreen Vingerhoedt, Maria Regina School, 8. Melany Wanga, Rosario College, 9. Sulaika Croes, Mon Plaisir School, 10. Lou-Ann Oduber, H. Hart College, 11. Rosienne Tromp, St. Dominicus College, 12. Felipe Werne, Colegio San Hose.

Den grupo di 11 te cu 13 aña: 13. Silvhyanne Vrolijk, Rosario College, 14. Julissa Kelly, Colegio Oro Ubao, 15. Darwin Thijssen, H. Hart College, 16.

Juliska de Cuba, 17. Ludwig Geerman, Filomena College, 18. Noraima de Windt, Rosa College, 19. Elton Matos, Fatima College, 20. Kerensa Kelly, Pius X. School.

Den cada grupo di edad lo saca den voz e segundo y primer finalista y e ganador.

Den cada grupo di edad tambe lo saca e cancion ganador. Ademas lo saca den cada grupo di edad cantante mas popular. Tur cos ta mustra cu e aña aki atrobe e muchanan lo duna un presentacion hopi exitoso y tur hende lo disfruta di un atardi hopi placentero. Caarchinan ta di venta na e schoolnan participante, Fatima College y Galeria Moderna.

Leidsters di APG ta atende campo di entrenamiento

ORANJESTAD(AAN)- Ayera a viaha pa St. Vincent tres leidsters di Het Arubaanse Padvindsters Gilde pa atende un campamento di entrenamiento pa leidsters di e Western Hemisphere. E leidsters di Aruba ta Veronica Paul, Margarita Winterdaal y Titia Mohamed.

E training camp a worde organiza door di Girl Guides Association di St. Vincent y The Grenadines, bao e World Or-

ganization of Girl Guides & Girls Scouts cu ta situa na Inglatera. Leidsters di tur e nacionnan den e area lo atende e training aki, for di dia 6 te 13 di April.

Trainers lo bini for di hoofdkwartier di WAGGS na Inglatera pa siña e leidstersnan con nan por train leidsters, pa ora nan bolbe nan lugar nan por siña aspirant leidsters y tambe leidsters actual pa nan por sirbi

mihor e mucha muhernan den nan comunidad.

Ora cu e leidstersnan di Aruba regresa nan lo organiza un trainingscamps pa e leidsters actual di APG, y tambe pa esnan cu lo por ta interesa pa bira un padvindster leidster.

OPINION

Cahera fresco

Un dama kende a dicidi di bay paga su number di auto ya cu e no a ricibi papel na cas, a pasa un mal experiencia na Ontvanger.

E dama a duna di conoce na DIARIO cu mirando e hecho cu tur hende banda di su cas ya a haya number y e ainda no a haya papel pa bay paga, el a dicidi di bay Ontvanger pa paga pa su number.

El a bisa cu e ta na altura di Ontvanger ta cera 3.30 or di atardi. El a yega algo pasa di 3'or. Un empleada a bin atende masha bon pero e cahera na un manera masha fresco a bisa cu e no na atende e dama.

E dama a remarca cu un homber cu tabata para su tras, si e cahera a atende. E homber hasta a bisa e cahera cu e dama tabata promer cune pero e cahera no a haci caso. El a keda insisti cu e dama tabata laat y pesey no ta atende.


E dama a rabia masha cu e actitud aki. El a mustra cu e ta un persona cu ta sufrir di problema di lomba y a haci un esfuerzo ya cu e no a haya papel na su cas, pa bay paga number y ta worde trata di tal forma.



Nos tin mester di:

VERKOOPSTERS
pa cuminsa traha mesora

Esnan interesa por acudi na
Ritz Aruba Weststraat 3-A
durante oranan di trabao



m maduro travel

ta ofrece e prijsnan mas atractivo pa un

Carnival Cruise

**Shows, Orquesta y Fiesta, Cuminda na Abundancia,
Gana den Casino, Relax na piscina, Bishita diferente
portanan den Caribe y hopi mas.....**

Entre Augustus 18 y October 28, 1990:

INSIDE CABIN U/L - Tarifa "VALUE" - AFLS. 1,425.00 p.p.

Riba 'HOLIDAY' y 'CELEBRATION' - Salida for di Miami.

* Cruceronan JUBILEE - FESTIVALE - TROPICALE / tarifa "Season".

Entre April 21 y Juni 24, 1990:

INSIDE CABIN U/L - Tarifa "BASE" - AFLS. 1,535.00 p.p.

Riba 'TROPICALE' y 'FESTIVALE' - Salida for di Pto. Rico,

Riba 'HOLIDAY' y 'CELEBRATION' - Salida for di Miami.

* Crucero JUBILEE / tarifa "Season".

Entre Juni 30 y Augustus 12, 1990:

INSIDE CABIN U/L - Tarifa "SEASON" AFLS. 1,650.00 p.p.

'TROPICALE' y 'FESTIVALE' - for di Pto. Rico,

'HOLIDAY', 'JUBILEE' y 'CELEBRATION' - for di Miami.

Di 3 y 4 persona den mesun cabina:

For di Pto. Rico	-	AFLS. 940.00
For di Miami	-	AFLS. 785.00

* Prijs di vuelonan no ta inclui.

PA MAS INFORMACION JAMA:

ORANJESTAD - Tel. 25995.
SAN NICOLAS - Te. 46624.